



“TASDIQLANGAN”
“O‘zbek geologiya qidiruv” AJ
Kuzatuv kengashining 2025-yil
7-oktabdagi 18-2025-sonli majlis bayoni

“O‘ZBEK GEOLOGIYA QIDIRUV” AKSIYADORLIK
JAMIYATI
KORRUPSIYAGA QARSHI ICHKI NAZORAT XIZMATI
TO‘G‘RISIDAGI
NIZOMI

1-bob. Umumiy qoidalar

1.1. Ushbu Nizom O'zbekiston Respublikasi Prezidentining 2021-yil 6-iyuldagi PQ-5177-son "Korrupsiyaga qarshi kurashish faoliyatini samarali tashkil etishga doir qo'shimcha chora-tadbirlar to'g'risida"gi qaroriga muvofiq "O'zbek geologiya qidiruv" aksiyadorlik jamiyati (bundan buyon matnda Aksiyadorlik jamiyati) Korrupsiyaga qarshi ichki nazorat xizmatining (bundan buyon matnda Ichki nazorat xizmati deb yuritiladi) maqsadi, vazifalari, funktsiyalari, huquq va majburiyatlari hamda ularning faoliyatini tashkil etish tartibini belgilaydi.

1.2. Ushbu nizom Korrupsiyaga qarshi kurashish agentligining 2021-yil 6-sentabrdagi 27-son buyrug'i ilovasi "Korrupsiyaga qarshi ichki nazorat tuzilmalari faoliyati to'g'risidagi NAMUNAVIY NIZOM"i doirasida ishlab chiqilgan.

1.3. Ichki nazorat xizmati o'z faoliyatida O'zbekiston Respublikasining Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, Vazirlar Mahkamasining qarorlari va farmoyishlariga hamda boshqa normativ-huquqiy hujjatlarga, o'zlari faoliyat yuritayotgan davlat organlari va aksiyadorlik jamiyatilari rahbarining qarorlari, buyruqlari va farmoyishlariga, shuningdek ushbu Nizomga amal qiladi.

1.4. Ichki nazorat xizmati aksiyadorlik jamiyatida korrupsiya holatlarini barvaqt aniqlash va oldini olish, ularning sabab va shart-sharoitlarini bartaraf etish, manfaatlar to'qnashuviga yo'l qo'ymaslik hamda korrupsiyaga nisbatan murcasiz munosabatni shakllantirish choralari ko'rishga mas'ul hisoblanadi.

2-bob. Jamiyatining Ichki nazorat xizmatini tashkil etish

2.1. Ichki nazorat xizmati o'z faoliyatida bevosita aksiyadorlik jamiyatining kuzatuv kengashiga bo'ysunadi.

2.2. Ichki nazorat xizmati boshlig'i aksiyadorlik jamiyati tomonidan O'zbekiston Respublikasi Korrupsiyaga qarshi kurashish agentligi (bundan buyon matnda Agentlik deb yuritiladi) bilan birgalikda o'tkaziladigan ochiq tanlov asosida ishga qabul qilinadi.

2.3. Ichki nazorat xizmati boshlig'ini lavozimidan ozod etish masalasi Agentlik bilan kelishiladi.

Bunda, aksiyadorlik jamiyatining Kuzatuv kengashi tomonidan Agentlikka Ichki nazorat xizmati boshlig'ini lavozimidan ozod etish haqidagi taqdimnomasi beriladi.

Ushbu taqdimnomada xodimni lavozimidan ozod etish sabablari, motivlari ko'rsatiladi. Taqdimnomaga xodimni lavozimidan ozod etish sabablari va motivlarini tasdiqlovchi hujjatlar (masalan, xodimning arizasi, ichki mehnat tartibi qoidalarini buzganligini ko'rsatuvchi ma'lumotlar va boshqa shu kabi hujjatlar) ilova qilinadi.

2.4. Agentlik tomonidan Ichki nazorat xizmati boshlig'ini lavozimidan ozod etish sabablari, motivlari yetarli emas deb hisoblansa, shu jumladan Ichki nazorat xizmati boshlig'i ta'qib qilinayotganligi haqida ma'lumotlarga ega bo'lsa, ushbu masalada Ichki nazorat xizmatining boshlig'i bilan suhbat o'tkazilishi mumkin.

2.5. Quyidagilar Ichki nazorat xizmati boshlig'ini lavozimidan ozod etishni kelishishni rad etish uchun asos bo'ladi:

Ichki nazorat xizmati boshlig'i lavozimidan ozod etish uchun sabablar yetarli emas deb topilganda;

Ichki nazorat xizmati boshlig'ining zimmasiga yuklatilgan vazifa va majburiyatlar doirasidan tashqari vazifalarni bajarmaganligi yoki o'ziga yuklatilgan vazifa va majburiyatlarni bajarganligi uchun ta'qib qilinganligi holati aniqlanganda.

2.6. Taqdim etilgan hujjatlar Agentlik tomonidan uch ish kuni ichida ko'rib chiqilib, tegishli aksiyadorlik jamiyatiga Ichki nazorat xizmati boshlig'ini lavozimidan ozod etishni kelishish yoki kelishishning rad etilganligi sabablari ko'rsatilgan xat taqdim etiladi.

3-bob. Ichki nazorat xizmatining asosiy maqsadi, vazifa va funksiyalari

3.1. Ichki nazorat xizmatining asosiy maqsadi aksiyadorlik jamiyatida, shuningdek, uning hududiy va tarkibiy bo'linmalarida (bundan buyon matnda aksiyadorlik jamiyati tizimi deb yuritiladi) korrupsiyaga qarshi kurash bo'yicha ISO 37001:2016 xalqaro standarti talablariga javob beruvchi kompleks tizimni, xususan, korrupsiyaga qarshi kurashish tizimini joriy etish va rivojlantirish, korrupsiyaviy holatlarni barvaqt aniqlash va ularning sabab va shart-sharoitlarini bartaraf etish, korrupsiyaviy xatti-harakatlar sodir etilishining oldini olish, aksiyadorlik jamiyati tizimi xodimlarida korrupsiyaga nisbatan murosasiz munosabatni shakllantirish maqsadida ularning huquqiy ongi va madaniyatini oshirish, aksiyadorlik jamiyati tizimida korrupsiyaga qarshi profilaktik chora-tadbirlarni tashkil etish, korrupsiyaga qarshi kurashish sohasidagi hujjatlar ijrosini ta'minlashdan iborat.

3.2. Quyidagilar Ichki nazorat xizmatining asosiy vazifalari hisoblanadi:

aksiyadorlik jamiyatining korrupsiyaga qarshi kurashish bo'yicha faoliyatini takomillashtirish;

aksiyadorlik jamiyatida korrupsiyaga oid huquqbuzarliklarni profilaktika qilish va ularga qarshi kurashish;

aksiyadorlik jamiyatida korrupsiyaga qarshi kurashish tizimining samarali ishlashini ta'minlash va nazorat qilish;

korrupsiyaga qarshi kurashish bo'yicha faoliyatni amalga oshiruvchi hamda unda ishtirok etuvchi boshqa davlat organlari va aksiyadorlik jamiyatilari bilan hamkorlikni olib borish;

korruptsiya holatlarini barvaqt aniqlash va ularning oldini olish, ularga imkon beruvchi sabab va shart-sharoitlarni bartaraf etish;

davlat xizmatlarini ko'rsatishda korruptsiyaviy omillarni bartaraf etish, maishiy korruptsiyaning oldini olish, shu jumladan, raqamlashtirish, byurokratiyani qisqartirish bo'yicha takliflar ishlab chiqish;

idoraviy normativ-huquqiy hujjatlarni korruptsiyaga qarshi ekspertizadan o'tkazish va yakunlari bo'yicha aniqlangan korruptsiyaviy normalarni bekor qilish bo'yicha taklif kiritish;

davlat xaridlarini amalga oshirishda manfaatlar to'qnashuviga yo'l qo'ymaslik choralari ko'rish, davlat xaridlari bo'yicha preventiv o'rganishlarni amalga oshirish;

korruptsiyaga qarshi kurashish bo'yicha amalga oshirilgan ishlar yuzasidan muntazam ravishda Korruptsiyaga qarshi kurashish agentligiga (keyingi o'rinlarda — Agentlik) elektron hisobot taqdim etib borish;

tegishli soha va tarmoqda korruptsiyaviy xavf-xatarlar ro'yxatini shakllantirish, ularni bartaraf etishga qaratilgan chora-tadbirlar ishlab chiqib, tasdiqlanishini ta'minlash;

davlat organlari va tashkilotlarida korruptsiyaga qarshi ichki nazoratni amalga oshirish va korruptsiyaviy xavf-xatarlarni aniqlash imkonini beruvchi situatsion markazlar faoliyatini yo'lga qo'yish bo'yicha takliflar kiritish;

mehnat jamoasida korruptsiyaga nisbatan murosasiz munosabatni shakllantirish, manfaatlar to'qnashuviga yo'l qo'ymaslik va odob-axloq qoidalariga rioya qilish bo'yicha targ'ibot va tashviqot ishlarini olib borish;

korruptsiyaga qarshi kurashish bo'yicha ijobiy tajribalarni ommalashtirish va joriy etish yuzasidan takliflar kiritish.

3.3. Ichki nazorat xizmati o'ziga yuklatilgan vazifalarga muvofiq quyidagi funktsiyalarni amalga oshiradi:

a) aksiyadorlik jamiyatining korruptsiyaga qarshi kurashish bo'yicha faoliyatini takomillashtirish sohasida:

aksiyadorlik jamiyati tizimida korruptsiyaga qarshi kurashish bo'yicha chora-tadbirlarni amalga oshirishga qaratilgan ichki idoraviy hujjatlar loyihalarini ishlab chiqadi;

aksiyadorlik jamiyatining korruptsiyaga qarshi kurashish bo'yicha chora-tadbirlarini ishlab chiqadi va tasdiqlash uchun aksiyadorlik jamiyati rahbariga kiritadi;

aksiyadorlik jamiyatining faoliyatiga oid normativ-huquqiy hujjatlar va ichki idoraviy hujjatlarda aniqlangan korruptsiyaviy normalarni bartaraf qilish bo'yicha takliflarni ishlab chiqadi;

aksiyadorlik jamiyati tomonidan ishlab chiqiladigan korruptsiyaga qarshi kurashish bo'yicha chora-tadbirlar loyihalarini aksiyadorlik jamiyati tizimida korruptsiyaga qarshi kurashish siyosatiga mosligi, maqbulligi va dolzarbligi nuqtai nazaridan baholaydi va xulosalar beradi;

aksiyadorlik jamiyatida korrupsiyaga qarshi kurashish faoliyatini yanada samarali tashkil etish va takomillashtirishga qaratilgan aniq takliflarni Agentlikka kiritib boradi.

b) aksiyadorlik jamiyatida korrupsiyaga oid huquqbuzarliklarni profilaktika qilish va ularga qarshi kurashish sohasida:

aksiyadorlik jamiyatida korrupsiyaviy xavf-xatarlarni baholaydi, ularning natijalari bo'yicha aniqlangan xavf-xatarlarni kamaytirish yuzasidan chora-tadbirlar rejalarini ishlab chiqadi va aksiyadorlik jamiyatida korrupsiyaviy xavf-xatari yuqori bo'lgan lavozimlar ro'yxatini yaratadi;

aksiyadorlik jamiyati tomonidan o'xshash huquqbuzarliklar sodir etilishi ehtimolini baholash maqsadida davlat hokimiyatining boshqa organlarida korrupsiyaviy huquqbuzarliklar sodir etilishining holati va yo'nalishlari haqida ma'lumot to'playdi;

maxsus axborot aloqa kanallari orqali aksiyadorlik jamiyati xodimlari tomonidan korrupsiyaviy xavf-xatarlar va huquqbuzarliklar haqida kelib tushadigan murojaatlarni tahlil qiladi va ularni belgilangan tartibda ko'rib chiqilishini ta'minlaydi;

aksiyadorlik jamiyatida yuritiladigan xizmat tekshiruvlari reestri yoki o'tkazilgan xizmat tekshiruvlarini ro'yxatga oladigan boshqa tegishli hujjatda korrupsiya faktlariga doir xizmat tekshiruvlari bo'yicha ma'lumotlarning to'g'ri va to'liq aks ettirib borilishini nazorat qiladi;

davlat xaridlarini amalga oshirishda manfaatlar to'qnashuvini tahlil qilishda va aksiyadorlik jamiyati bilan shartnomaviy munosabatlarga (mehnat munosabatlari bundan mustasno) kirishgan har qanday yuridik yoki jismoniy shaxslarning ishonchliligini tekshirish jarayonida ishtirok etadi;

aksiyadorlik jamiyati xodimlariga korrupsiyaga qarshi kurashish masalalari bo'yicha tushuntirish va tavsiyalar beradi;

korrupsiya faktlari haqida xabar berishga mo'ljallangan maxsus axborot aloqa kanallarining faoliyat natijalarini tahlil qiladi va tahliliy materiallarni aksiyadorlik jamiyati xodimlariga yetkazadi;

aksiyadorlik jamiyati faoliyatidagi korrupsiyaviy holatlarni va xavf-xatarlarni aniqlash maqsadida aholi va xodimlar orasida so'rovlar o'tkazadi;

korrupsiyaga qarshi kurashishga oid talab va normalarning buzilishi masalalari bo'yicha intizomiy javobgarlikka tortilayotgan shaxslarga jazo choralari mutanosibli va yetarliligini nazorat qiladi;

korrupsiyaga qarshi kurashish tizimini yanada takomillashtirish maqsadida aksiyadorlik jamiyatida korrupsiya faktlari yuzasidan o'tkazilgan xizmat tekshiruvlari natijalari haqidagi ma'lumotlarni tahlil qiladi;

har chorakda va aksiyadorlik jamiyati rahbari talabiga ko'ra aksiyadorlik jamiyatida korrupsiyaga qarshi kurashish bo'yicha amalga oshirilgan ishlar hamda ulardagi korrupsiyaviy holat haqida aksiyadorlik jamiyati birinchi rahbariga ma'lumot kiritib boradi;

v) aksiyadorlik jamiyatida korrupsiyaga qarshi kurashish tizimini samarali ishlashini ta'minlash va nazorat qilish sohasida:

korruptsiyaga qarshi kurashish bo'yicha davlat dasturlarida aksiyadorlik jamiyatiga yuklatilgan vazifalar ijrosini monitoring qiladi va nazoratini amalga oshiradi;

aksiyadorlik jamiyati tizimida korruptsiyaga qarshi kurashish tizimining ISO37001:2016 Korruptsiyaga qarshi xalqaro standarti talablariga mosligini ta'minlaydi;

aksiyadorlik jamiyati xodimlarining malakasini oshirish bo'yicha o'quv rejalarining korruptsiyaga qarshi normalarga oid qismini ishlab chiqishda ishtirok etadi;

aksiyadorlik jamiyati xodimlari, shu jumladan korruptsiyaviy xavf-xatari yuqori bo'lgan lavozimlardagi xodimlar uchun korruptsiyani oldini olish bo'yicha o'quv materiallarini ishlab chiqadi;

o'quv rejaga muvofiq aksiyadorlik jamiyatining barcha xodimlari uchun korruptsiyaga qarshi kurashish bo'yicha treninglarning o'tkazilishini hamda ularda xodimlarning ishtirok etishini nazorat qiladi;

aksiyadorlik jamiyati tizimi xodimlari va fuqarolar o'rtasida korruptsiyaga qarshi kurashish bo'yicha targ'ibot tadbirlarida ishtirok etadi;

aksiyadorlik jamiyatining rasmiy veb-saytidagi "Korruptsiyaga qarshi kurashish" bo'limi hamda ijtimoiy tarmoqlaridagi sahifalariga joylashtirilgan ma'lumotlarni yangilanib borilishini ta'minlaydi;

aksiyadorlik jamiyati tizimidagi xodimlar tomonidan korruptsiyaga qarshi kurashish sohasidagi O'zbekiston Respublikasining qonunchiligiga va aksiyadorlik jamiyatining korruptsiyani oldini olish va unga qarshi kurashish bo'yicha ichki hujjatlariga rioya qilinishini monitoring va nazorat qiladi;

aksiyadorlik jamiyati tizimidagi korruptsiyaviy xatti-harakatlar bo'yicha xizmat tekshiruvlarini o'tkazish tashabbusini ilgari suradi va unda ishtirok etadi;

odob-axloq komissiyalari tomonidan manfaatlar to'qnashuvini tartibga solish bo'yicha qabul qilingan qarorlarning xolisligi va maqbulligini tekshiradi;

amalga oshirilgan monitoring, xizmat tekshiruvlari va nazorat tadbirlari natijalari bo'yicha korruptsiyaga qarshi kurashish tizimini takomillashtirish yuzasidan tavsiyalar ishlab chiqadi;

aksiyadorlik jamiyati tizimidagi korruptsiyaga qarshi kurashishga mas'ul tuzilma (shaxs)lar bilan hamkorlikda korruptsiyaga qarshi kurashish bo'yicha ishlarni tashkil etish va xodimlarning huquqiy savodxonligini oshirishga qaratilgan konferentsiyalar, uchrashuvlar, seminarlar, tanlovlar va boshqa tadbirlarni tashkil etadi;

aksiyadorlik jamiyati faoliyati uning korruptsiyaga qarshi kurashish bo'yicha ichki hujjatlariga hamda xalqaro standartlarga muvofiqligi yuzasidan tekshiruvlar o'tkazadi;

g) korruptsiyaga qarshi kurashish bo'yicha faoliyatni amalga oshiruvchi hamda unda ishtirok etuvchi boshqa davlat organlari va aksiyadorlik jamiyatilari bilan hamkorlikni olib borish sohasida:

aholining huquqiy ongi va huquqiy madaniyatini yuksaltirishga, jamiyatda korrupsiyaga nisbatan murosasiz munosabatni shakllantirishga doir chora-tadbirlarning ishlab chiqilishida ishtirok etadi;

qonunchilik hujjatlari bilan aksiyadorlik jamiyati zimmasiga yuklatilgan korrupsiyaga qarshi kurashish bo'yicha vazifalarga muvofiq xorijiy davlatlarning vakolatli organlariga zarur axborotni taqdim etish to'g'risida so'rovlar yuboradi va ularning so'rovlariga javob berishda ishtirok etadi;

aksiyadorlik jamiyatining korrupsiyaga qarshi kurashish chora-tadbirlarini takomillashtirish yuzasidan xorijiy mutaxassislarni jalb etish bo'yicha takliflar ishlab chiqadi;

korrupsiyaviy xatti-harakatlarni bartaraf qilish yoki korrupsiyaviy jinoyatlarni tergov qilish bo'yicha tadbirlarni amalga oshirishda huquqni muhofaza qiluvchi organlar bilan hamkorlik qiladi.

Ichki nazorat xizmati qonunchilik hujjatlariga muvofiq boshqa funktsiyalarni ham amalga oshiradi.

3.4. Ichki nazorat xizmatiga va ularning xodimlariga ushbu Nizom va boshqa qonunchilik hujjatlarida nazarda tutilmagan funktsiyalarning yuklatilishiga yo'l qo'yilmaydi.

4-bob. Ichki nazorat xizmatining huquq va majburiyatlari

4.1. Ichki nazorat xizmati o'z zimmasiga yuklatilgan vazifalar va funktsiyalarni bajarish uchun quyidagi huquqlarga ega:

o'zi faoliyat yuritayotgan aksiyadorlik jamiyati xodimlaridan ularning vakolatiga kiruvchi masalalar yuzasidan tahliliy materiallarni, xulosalarni, statistik va boshqa ma'lumotlarni olish;

xizmat majburiyatlarini bajarish doirasida aksiyadorlik jamiyati xodimlaridan zarur yordam so'rash va olish;

aksiyadorlik jamiyati tizimi xodimlari faoliyatida aniqlangan korrupsiyaviy huquqbuzarliklar yuzasidan xizmat tekshiruvlarini o'tkazish;

aksiyadorlik jamiyati rahbariyatiga korrupsiyaga qarshi kurashish tizimini takomillashtirish bo'yicha takliflar kiritish;

o'z faoliyati doirasida aksiyadorlik jamiyati tizimiga yozma ko'rsatmalar, topshiriq xatlari va tavsiyalar berish;

aksiyadorlik jamiyatining korrupsiyaga oid majlislarida ishtirok etish;

tekshiruvlar o'tkazish, hujjatlarni talab qilish, xodimlardan yozma tushuntirishlar olish.

Ichki nazorat xizmati qonunchilik hujjatlariga muvofiq boshqa huquqlarga ham ega bo'lishi mumkin.

4.2. Ichki nazorat xizmati o'z zimmasiga yuklatilgan vazifalar va funktsiyalarni bajarish uchun quyidagi majburiyatlarga ega:

ushbu Nizom va boshqa qonunchilik hujjatlari bilan yuklatilgan funktsiyalarni zarur darajada va samarali bajarish;

qonunchilik hujjatlari talablariga qat'iy rioya qilish va o'z vakolat doirasidan chetga chiqmaslik;

aksiyadorlik jamiyati tizimida jinoyat alomatlari, xususan korrupsiya holatlari aniqlanganligi to'g'risida zudlik bilan to'g'ridan-to'g'ri yuqori turuvchi organ, Agentlik va boshqa huquqni muhofaza qiluvchi organlarga xabar berish;

aksiyadorlik jamiyatining korrupsiyaga qarshi kurashish siyosati, odob-axloq qoidalarining korrupsiyaga oid qismining buzilganligi fakti yuzasidan aksiyadorlik jamiyati rahbariyatiga ma'lumotnomalar kiritish;

har chorakda, keyingi chorak birinchi oyining birinchi o'n kunligida korrupsiyaga qarshi kurashish borasida amalga oshirilgan ishlar va chora-tadbirlar to'g'risidagi choraklik hisobotni yuqori turuvchi boshqarmaga taqdim etish.

Ichki nazorat xizmati xodimi qonunchilik hujjatlariga muvofiq boshqa majburiyatlarga ham ega bo'lishi mumkin.

4.3. Ichki nazorat xizmati xodimlari korrupsiyaga qarshi kurashish sohasida faoliyat yurituvchi xodimlarga mo'ljallangan o'quv kurslari yoki maxsus seminar-treninglarda ishtirok etadi. O'quv kurslari yoki maxsus seminar-treninglar aksiyadorlik jamiyati yoxud Agentlik tomonidan tashkil etilishi mumkin.

4.4. Ichki nazorat xizmati faoliyatining natijadorligi aksiyadorlik jamiyatida korrupsiyaga qarshi kurashish tizimining samaradorlik va maqsadli ko'rsatkichlariga erishish natijalariga asosan baholanadi.

Ichki nazorat xizmati faoliyatining maqsadli ko'rsatkichlari aksiyadorlik jamiyatining birinchi rahbari tomonidan tasdiqlanadi.

Ichki nazorat xizmati faoliyati samaradorligining maqsadli ko'rsatkichlariga erishish ustidan nazorat Agentlik tomonidan amalga oshiriladi.

5-bob. Yakuniy qoidalar

5.1. Ushbu Nizom talablarini buzganlikda aybdor deb topilgan shaxslar qonunchilikda belgilangan tartibda javobgar bo'ladi.

5.2. Ichki nazorat xizmati xodimlarining faoliyati ushbu tarmoq sohasida faoliyati deb hisoblanadi.

5.3. Aksiyadorlik jamiyati Jamoa shartnomasida Rag'batlantirish va mukofotlashlar belgilangan tartibda Ijro organ rahbari buyrug'i bilan amalga oshiriladi.

Ishlab chiqildi:

**Inson resurslarini boshqarish
va rivojlantirish bo'limi boshlig'i**

F.A.Umarov